

ИНСТИТУТ ЗА САВРЕМЕНУ ИСТОРИЈУ

M K



10=14514185-

970



000001490

COBISS

ПРАВИЛНИК

# O IZBORU ODBORA

## Narodnog fronta B. i H.



SARAJEVO 1948

Izdanje Izvršnog odbora Narodnog fronta B. i H.

Štamparski zavod »Oslobođenje« Sarajevo 1948

БИБЛИОТЕКА  
ИНСТИТУТ ЗА САВРЕМЕНУ ИСТОРИЈУ

МК 1490



БИБЛИОТЕКА ЈАСКСКИ

Br. inv. nab.

823  
34/59

115660  
Pravilnik o izboru odbora  
Narodnog fronta Bosne i Hercegovine



Član 1. — Izbori za odbore Narodnog fronta Bosne i Hercegovine mogu biti opšti i pojedinačni.

Opšti izbori su oni koji se raspisuju za izbor svih odbora Narodnog fronta na području Bosne i Hercegovine.

Pojedinačni izbori su oni koji se raspisuju prema potrebi za izbor pojedinih odbora Narodnog fronta.

Član 2. — Opšti izbori mogu se raspisivati u svako doba bez obzira da li je vrijeme, za koje su odbori Narodnog fronta izabrani, isteklo ili ne.

Opšte izbore za odbore Narodnog fronta raspisuje Izvršni odbor Zemaljskog odbora Narodnog fronta Bosne i Hercegovine.

Pojedinačne izbore raspisuje odbor Narodnog fronta koji je neposredno viši od odbora za koji se raspisuju izbori.

Nadležni odbor raspisuje pojedinačne izbore po svojoj inicijativi, ili na predlog nižeg odbora ili na zahtjev većine članova organizacije, čiji odbor treba da se bira.

Odbor koji raspisuje pojedinačne izbore obavještava svoj viši odbor, a ovaj Zemaljski odbor Narodnog fronta Bosne i Hercegovine o raspisivanju i sprovođenju pojedinačnih izbora.

Član 3. — Izbori se vrše:

- a) za seoske odbore i odbore odjeljaka;
- b) za mjesne i kvartovske odbore i odbore gradskih naselja;
- c) za sreske i gradske odbore, kao i rejonske odbore Narodnog fronta u Sarajevu;

Uml-2432/49.

- d) za Gradski odbor Narodnog fronta Sarajeva;
- e) za Zemaljski odbor Narodnog fronta Bosne i Hercegovine.

Član 4. Svi odbori Narodnog fronta Bosne i Hercegovine biraju se na godinu dana.

Član 5. — Pravo da biraju i da budu birani imaju svi članovi Narodnog fronta Bosne i Hercegovine koji imaju člansku kartu Narodnog fronta Bosne i Hercegovine ili Narodne omladine Bosne i Hercegovine (pod uslovima člana 2 Statuta Narodnog fronta Jugoslavije).

Član 6. Seoski, odjeljački, mjesni, kvartovski odbori i odbori naselja, kao i delegati za sreske, gradske i rejonske konferencije biraju se neposredno i tajno.

Delegati za izbor gradskog odbora Narodnog fronta — Sarajevo biraju se na rejonskim konferencijama i na konferenciji Narodnog fronta gradskog naselja — Ilidža.

Sreske, gradske, rejonske odbore i odbor gradskog naselja — Ilidža kao i delegate za Kongres Narodnog fronta Bosne i Hercegovine, biraju delegati na konferencijama onako kako konferencija odluči.

Član 7. Na opštim izborima na području svake izborne jedinice biraju se:

a) seoski, mjesni, odjeljački, kvartovski odbori i odbori gradskih naselja;

b) delegati za sreske, gradske i rejonske konferencije, kao i konferenciju Narodnog fronta gradskog naselja — Ilidža.

Član 8. Na sreskoj, gradskoj i rejonskoj konferenciji, kao i konferenciji Narodnog fronta gradskog naselja Ilidža biraju se: sreski, gradski i rejonski odbor i odbor Narodnog fronta gradskog naselja Ilidža.

Na gradskim konferencijama Narodnog fronta za gradove: Bijeljina, Brčko, Bihać, Doboj, Derventa, Jajce, Prijedor i Travnik biraju se delegati za sresku konferenciju Narodnog fronta za izbor za njih nadležnih sreskih odbora Narodnog fronta.

Na rejonskim konferencijama i konferenciji gradskog naselja Ilidža biraju se delegati za gradsku konferenciju grada Sarajeva.

Delegati za Kongres Narodnog fronta Bosne i Hercegovine biraju se na sreskim konferencijama i gradskim konferencijama Narodnog fronta za gradove: Sarajevo, Banja Luka, Mostar, Tuzla i Zenica.

Član 9. — Prema broju članova Narodnog fronta biraće se:

a) Za seoski odbor Narodnog fronta 7—15 članova odbora;

b) za mjesni, kvartovski odbor i odbor odjeljka Narodnog fronta do 30 članova;

c) za gradski odbor Narodnog fronta za gradove: Bijeljina, Brčko, Bihać, Doboj, Derventa, Jajce, Prijedor i Travnik 50—80 članova odbora.

Na sreskoj, gradskoj za gradove: Banja Luka, Mostar, Tuzla i Zenica i rejonskoj konferenciji, odnosno na konferenciji Narodnog fronta gradskog naselja Ilidža, biraće se sreski, gradski, rejonski odnosno odbor Narodnog fronta gradskog naselja Ilidža od 70—150 članova prema broju članova Narodnog fronta.

Na gradskoj konferenciji Narodnog fronta Sarajeva biraće se gradski odbor Narodnog fronta od najviše 150 članova.

Član 10. — Na svakih 50 članova Narodnog fronta bira se jedan delegat za sresku, gradsku, rejonsku odnosno konferenciju Narodnog fronta gradskog naselja Ilidža.

Izuzetno za gradsku konferenciju Narodnog fronta gradova: Bijeljina, Bihać, Brčko, Doboj, Derventa, Jajce, Prijedor i Travnik bira se jedan delegat na svakih 20 članova.

Na svaka tri izabrana delegata za gradsku konferenciju Narodnog fronta gradova Bijeljina, Brčko, Bihać, Doboj, Derventa, Jajce, Prijedor i Travnik bira se jedan delegat za sresku konferenciju za izbor za njih nadležnih sreskih odbora Narodnog fronta.

Na svaka tri izabrana delegata za rejonsku konferenciju Narodnog fronta u Sarajevu, odnosno konferenciju gradskog naselja Ilidža, bira se jedan delegat za gradsku konferenciju Narodnog fronta Sarajevo.

Član 11. — Na svakih 20 izabranih delegata za sresku konferenciju Narodnog fronta, kao i za gradske konferencije Narodnog fronta gradova: Banja Luka, Mostar, Tuzla i Zenica bira se na istoj konferenciji jedan delegat za Kongres Narodnog fronta Bosne i Hercegovine.

Na svakih 6 delegata biranih za gradsku konferenciju Sarajeva, bira se jedan delegat za Kongres Narodnog fronta Bosne i Hercegovine.

Član 12. — Svi odbori Narodnog fronta, čiji se izbor vrši neposredno a ne putem delegata, biraju se istog dana.

Istog dana biraju se delegati za gradsku konferenciju gradova: Bijeljina, Brčko, Bihać, Doboj, Derventa, Jajce, Prijedor i Travnik.

Član 13. Izborne jedinice određuju sreski, gradski i rejonski odbori, kao i odbor Narodnog fronta gradskog naselja Ilidža.

Područje seoskog i odjeljačkog odbora, mjesnog odbora i odbora naselja ukoliko su osnovne organizacije Narodnog fronta, predstavlja uvijek svako za sebe jednu izbornu jedinicu.

Član 14. — Sreski, gradski i rejonski odbori, odnosno odbor gradskog naselja Ilidža, određuju broj članova svakog nižeg odbora Narodnog fronta i broj delegata za izbor odbora Narodnog fronta, koji se biraju na konferenciji, u smislu ovog Pravilnika.

Član 15. Sreski, gradski i rejonski odbori, odnosno odbor gradskog naselja Ilidža, određuju za svaku izbornu jedinicu izbornu komisiju, najmanje od 3 člana, koja sprovodi izbore.

Izborne komisije određuju se najmanje 15 dana pred izbore.

Član 16. Svaki član Narodnog fronta može biti kandidovan na izborima, ako ga predloži najmanje 10 članova Narodnog fronta.

Izborne komisije zaključuju primanje kandidacionih lista 5 dana prije izbora.

Član 17. — Spisak primljenih kandidata izlaže se na vidnom mjestu 3 dana prije izbora.

Član 18. — Izbori se vrše od 7 do 19 časova.

Član 19. Kad birač dode na biralište, legitimiše se i komisija ustanovi da je član Narodnog fronta, predaje mu onoliki broj lista sa imenima kandidata koliko se bira odbora Narodnog fronta na tom biralištu, podrazumijevajući tu i delegate za konferenciju za izbor višeg odbora Narodnog fronta.

Komisija će tom prilikom uputiti birača u način glasanja i zavešti ga u spisak glasalih.

Član 20. — Glasanje se vrši sa potcrtavanjem imena onih kandidata koje glasač bira. Ako glasač ne potcrta ime ni jednog kandidata, smatraće se da je birao predviđeni broj kandidata, kako su poredani na listi.

Ukoliko glasač potcrta nedovoljan broj kandidata, smatraće se biranim, pored potcrtanih i oni koji su prvi po redu.

Ako je birač nepismen, može povesti sa sobom lice koje će mu potcrtati imena kandidata, koje on bira.

Po završenom biranju, glasač će staviti liste u određene kutije.

Član 21. — Poslije završenih izbora komisija će utvrditi koliko je koji kandidat dobio glasova i prema broju glasova i predviđenom broju odbornika, odrediti koji su kandidati izabrani.

Član 22. Komisija će rezultat odmah objaviti i o ovome obavijestiti sreski, odnosno gradski ili rejonski odbor.

Komisija će izabranim kandidatima izdati potvrdu o tome da su izabrani.

Član 23. Izabrani odbori Narodnog fronta konstitušu se na prvoj sjednici birajući svoj izvršni odbor od predsjednika, jednog ili više potpredsjednika, sekretara, blagajnika i potrebnog broja članova.



~~12~~  
A  
Član 24. Na Kongresu se bira Zemaljski odbor Narodnog fronta Bosne i Hercegovine i njegov Izvršni odbor.

Član 25. Na konferencijama i Kongresu mogu biti izabrani u odbore Narodnog fronta i oni članovi Narodnog fronta koji nisu prisutni kao delegati.

Član 26. — Opšti i pojedinačni izbori za odbore Narodnog fronta moraju se izvršiti u vremenu koje odredi Zemaljski Izvršni odbor Narodnog fronta, odnosno odbor Narodnog fronta koji raspisuje izbore.

Član 27. Za pojedinačne izbore za odbore Narodnog fronta važi isti postupak kao i za opšte.

Član 28. Za ispravnost izbora za odbore Narodnog fronta odgovoran je kako odbor na čijoj su se teritoriji izbori sprovedi, tako i neposredno viši odbor Narodnog fronta.

Član 29. Ovaj Pravilnik usvojen je na sjednici Zemaljskog Izvršnog odbora Narodnog fronta Bosne i Hercegovine.

Sarajevo, 24 januara 1948.

